

Moj glas, moja zemlja

19/02/2014 23:09 by Administrator

Po raspisivanju Općinskih izbora, od početka maja do sredine jula trajat će proces registracije bh. glasača u inostranstvu za glasanje putem pošte. Građani i građanke koji se ranije nisu prijavljivali za ovu vrstu glasanja

.....

Građani i građanke koji se ranije nisu prijavljivali za ovu vrstu glasanja, kao i oni koji su se susretali sa problemima u procesu, trebaju se registrovati popunjavanjem obrasca PRP-1 koji će biti dostupan na stranici Izbori.ba, po raspisivanju izbora. Za registraciju je najbolje imati pripremljen vaš dokument Bosne i Hercegovine: lišnu kartu, vozačku dozvolu ili bh. pasoš. Ukoliko se prijavljujete sa statusom izbjeglice, valjanim će se smatrati i prijava vaš lišni dokument države domaćina. Pritome je potrebno dostaviti ili kopiju uvjerenja o državljanstvu ili potvrdu o prebivalištu/lišnu kartu BiH iz perioda popisa 1991. godine.

Prijava sa dokumentima će se moći slati na adresu CIK-a, putem fax-a ili putem e-maila. Po izvršenoj prijavi, u periodu pred izbore Centralna izborna komisija BiH će Vam dostaviti glasački materijal. Potrebno je da svaki glasač pojedinačno šalje popunjen glasački materijal putem pošte. Za vrijeme perioda registracije, aktivisti Prvog marta sa organizacijama partnerima širom Evrope i Amerike, radić će aktivnosti pomoći pri registraciji. One koji budu samostalno izvršili registraciju pozivamo da nam, po izvršenoj registraciji, dostavite vaš kontakt podatke na info@prvimart.ba, ili da nam se obratite za slučaj da bude došlo do kašnjenja ili problema sa glasačkim materijalom. Na prošlim Općinskim izborima 2010. godine je za prostor entiteta RS glasalo 12 549 građana. Za jedno mjesto u Parlamentarnoj skupštini BiH bilo je dovoljno 29 000 glasova. Niti jedna politička stranka koja okuplja povratnike, izbjegla i raseljena lica na prostoru RS-a, nije postigla ovaj broj glasova. Samo zajedno možemo napraviti promjenu! Budimo spremni. Domovina te zove. Moj glas, moja zemlja.

Izvor vijesti: prvimart.ba